



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 249

DATUM: 28.11.2018.GODINE



Usluge Saveza PRAVNO SAVJETOVALIŠTE:

Selma Fišek, viši saradnik za pravna
pitanja
fax: + 387 33 552 810
selma@sogfbih.ba

FINANSIJSKO SAVJETOVALIŠTE:

Gregor Jurišić, viši saradnik za
finansijska pitanja
Fax: + 387 33 552 810
gregor.juriscic@sogfbih.ba

Sadržaj biltena:

U Jajcu održana Šesta sjednica
Predsjedništva

Održan sastanak predstavnika
SOGFBiH

U Savezu održan praktični čas sa
studentima Ekonomskog fakulteta

Održana Sedma godišnja konferencija

Održana treća radionica u okviru
"Akademije za lidere"

U Kaknju završeni radovi na rekonstruk-
ciji zelene površine

Održan sastanak radne grupe za
pomoć radu Mreže praktičara

SOGFBiH predstavljen na RENEXPO

Savez uključen u projekat RCDN-a

Savez održao pet radionica o unapre-
đenju komunikacije između JLS i OCD-a

Edukacije iz oblasti javnih nabavki

Pod pokroviteljstvom GIZ ORF-EE or-
ganizovana biciklijada u Sarajevu

Održana obuka vijećnika u Maglaju

Najava obilježavanja dana općina/
gradova za mjesec decembar/studen

Bilten Saveza općina i gradova Federacije Bosne i Hercegovine

U Jajcu održana Šesta sjednica Predsjedništva Skupštine SOGFBiH Na račun države nisu prispjela nikakva novčana sredstva

U srijedu, 07. novembra/studenog 2018. godine u Jajcu je održana Šesta sjednica Predsjedništva Skupštine Saveza općina i gradova Federacije Bosne i Hercegovine.

Najaktuelnija tačka dnevnog reda sjednice bila je migrantska kriza koja je pogodila cijelu Bosnu i Hercegovinu, a posebno Unsko-sanski Kanton. Predsjedništvo Saveza je potenciralo na provedbi ranijih zaključaka u vezi sa pitanjem migranata koji se odnose na uključivanje Saveza općina i gradova Federacije BiH, kao zakonskog zastupnika svojih članica, u Koordinaciono tijelo za pitanje migracija u BiH, te na provođenje konkretnih mjera na rješavanju ovih problema.

Predstavnik Ministarstva za ljudska prava i izbjeglice BiH Medžid Lipjankić istakao je da na račun države nisu prispjela nikakva novčana sredstva za pitanja migranata, nego da su sredstva dobili UNHCR i Međunarodna organizacija za migracije (IOM). Značajne informacije iz ugla Granične policije BiH dao je Sjevlad Hoffman, savjetnik direktora Granične policije BiH. Kada je riječ o drugim tačkama dnevnog reda bitno je istaći da je Predsjedništvo Saveza upoznato da će u procesu izrade Strategije razvoja Federacije BiH za period 2021-2027. godine jedinice lokalne samouprave svoje interese izražavati i zastupati putem Saveza općina i gradova Federacije BiH.

Takođe, jedna od bitnijih tačaka je bila informacija o reaktivaciji Mreže pomoćnika gradonačelnika/načelnika za finansije kroz koju će se, između ostalog, vršiti razmjena informacija iz oblasti javnih finansija, kao i identifikacija budućih koraka Saveza u lobiranju i zastupanju interesa jedinica lokalne samouprave prema višim nivoima vlasti. Na sjednici je predstavljena i „Pravna analiza regulisanja taksi i naknada u FBiH“ koja je izrađena u okviru - USAID - ovog Projekta reforme fiskalnog sektora.

Istaknuto je da bi zbog raznolikosti po pitanju taksi i naknada bilo potrebno stvoriti jedinstven krovni zakonski okvir na nivou FBiH, s ciljem sistematizacije taksi i naknada što bi rezultiralo efikasnijim privlačenjem stranih investitora.

Pored članova Predsjedništva Saveza, sjednici su prisustvovali i direktorica Saveza Vesna Travljanin, te gosti Sjevlad Hoffman, savjetnik direktora Granične policije BiH, Medžid Lipjankić, šef odsjeka u Ministarstvu za ljudska prava i izbjeglice BiH, te Gordan Čahtarević, savjetnik Premijera Vlade Federacije BiH.

Predsjedništvo Skupštine Saveza općina i gradova Federacije Bosne i Hercegovine u mandatu 2017. - 2021. godina čine gradonačelnici/načelnici iz sljedećih gradova/općina: Hadžići, Cazin, Tomislavgrad, Goražde, Centar Sarajevo, Čitluk, Teočak, Posušje, Orašje, Grad Sarajevo, Jajce, Kakanj i Livno.



Sa Šeste sjednice održane u Jajcu.

ODRŽAN SASTANAK PREDSTAVNIKA SAVEZA OPĆINA I GRADOVA FBiH SA KONGRESOM LOKALNIH I REGIONALNIH VLASTI VIJEĆA EVROPE

Gledajte Savez općina i gradova
Federacije Bosne i Hercegovine na



Delegacija Saveza općina i gradova Federacije Bosne i Hercegovine prisustvovala je sastanku organizovanom od strane Kongresa lokalnih i regionalnih vlasti Vijeća Evrope, koji se održao 20. novembra/studenog 2018. godine u Sarajevu. Delegaciju Vijeća Evrope činili su dva izvišteloci za lokalnu i regionalnu demokratiju g-đa Leila Hunziker i g-đa Karla Dejonghe, te profesor Jens Woelk, član grupe nezavisnih eksperata.

Ispred Saveza općina i gradova FBiH, sastanku su prisustvovali g-din Faris Hasanbegović, Predsjedavajući Skupštine Saveza, g-din Hamdo Ejubović, Predsjednik Predsjedništva Skupštine Saveza, g-din Ivan Vukadin, zamjenik predsjednika Predsjedništva Skupštine Saveza, g-đa Vesna Travljanin, direktorica Saveza općina i gradova FBiH, g-đa Mirela Bubalo, predsjednica Komisije za međunarodne veze, saradnju i evropske integracije Saveza i g-din Dževad Bećirević, savjetnik općinskog načelnika Općine Centar.

Monitoring misija Delegacije Vijeća Evrope fokusirala se na procjenu stanja lokalne demokratije u BiH.

-Ustavne garancije koje regulišu odnose između različitih nivoa vlasti nisu uspostavljene. Pozitivan primjer je Ustav Kantona Sarajevo, obzirom da je Skupština KS 2017. godine usvojila amandmane na Ustav KS kojima su jasno razgraničene nadležnosti kantona, Grada Sarajeva i jedinica lokalne samouprave. I dalje je prisutno nepostojanje reforme decentralizacije BiH i u FBiH, Smatram da Savez do danas nije u dovoljnoj mjeri uključen u reformske procese, a što je bila preporuka Kongresa iz 2014. godine - rekla je g-đa Travljanin.

Direktorica Saveza naglasila je stalni problem prijenosa obaveza i nadležnosti na jedinice lokalne samouprave, a koje ne prati prijenos finansijskih sredstava za izvršavanje obaveza. Kada je riječ o međuopćinskoj saradnji istakla je da postoje veliki pomaci.

G-din Faris Hasanbegović, Predsjedavajući Skupštine Saveza istakao je problem prijenosa nadležnosti na niže nivoe vlasti, kao i prijenosa novčanih sredstava koje bi se trebale osigurati za lokalni nivo.

Učesnici sastanka su istog stava da se jedinicama lokalne samouprave trebaju dati veće ovlasti.

-Ustavom BiH nije ni spomenuta, a kamoli definisana lokalna samouprava. Zajedničkog smo stava da nas viši nivoi vlasti obavezuju na izvršenje problema koje prepuste jedinicama lokalne samouprave, ali bez finansijske podrške - kazao je g-din Ivan Vukadin, zamjenik predsjednika Predsjedništva Skupštine Saveza.

G-din Hamdo Ejubović, Predsjednik Predsjedništva Skupštine Saveza, također je istakao da je lokalna zajednica u podređenom položaju u odnosu na druge nivoe vlasti, te da novčanih sredstava nikad dosta kada je u pitanju lokalna samouprava.

Savjetnik općinskog načelnika Općine Centar, g-din Dževad Bećirević pohvalio je rad Saveza općina i gradova FBiH, te je istakao kako je potrebno Ministarstvo lokalne samouprave koje bi zastupalo interese svih na nivou lokalne zajednice.

Na kraju sastanka zaključeno je da jedinicama lokalne samouprave treba dati veće ovlasti, te da se trebaju osigurati veća finansijska sredstva za provedbu njihovih obaveza.



Sa sastanka Vijeća Evrope održanog u Sarajevu.

U SAVEZU OPĆINA I GRADOVA FBiH ODRŽAN PRAKTIČNI ČAS STUDENATA EKONOMSKOG FAKULTETA UNIVERZITETA U SARAJEVU

Direktorica Saveza općina i gradova Federacije Bosne i Hercegovine Vesna Travljanin ugostila je 09. novembra/studenog 2018. godine prof. dr. Jasminu Osmanković, eksperta za ekonomski razvoj, regionalni razvoj i međunarodnu ekonomiju i poslovanje i studente treće godine Ekonomskog fakulteta Univerziteta u Sarajevu.



Sa praktičnog časa studenata Ekonomskog fakulteta

Razlog njihove posjete je praktični čas iz predmeta Regionalni razvoj i EU u prostorijama Saveza općina i gradova FBiH, gdje su studenti upoznati sa radom, misijom i djelovanjem Saveza.

Na samom početku pozdravila ih je direktorica Vesna Travljanin, koja je upoznala studente o radu Saveza općina i gradova FBiH, o njegovom pravnom položaju i ulozi, te koji su oblici djelovanja Saveza. Direktorica se također osvrnula i na izradu Strategije razvoja Federacije Bosne i Hercegovine za razdoblje od 2021-2027. godine. Na kraju je zamolila profesoricu Osmanković da nešto više kaže o predmetu sa kojim se studenti susreću.

Profesorica Jasmina Osmanković istakla je važnost predmeta Regionalni razvoj i EU, te njegov značaj u pristupanju Bosne i Hercegovine Evropskoj uniji. Detaljno je uputila studente na značaj Saveza za našu zemlju i na kraju se zahvalila na toplom dočeku i izrazila želju da se dobra saradnja između Ekonomskog fakulteta Univerziteta u Sarajevu i Saveza općina i gradova FBiH i u budućnosti nastavi.

Na samom kraju časa studenti su se zahvalili svojim mentorima na prigodnim poklonima i stečenom znanju iz raznih oblasti kao što su javne finansije, pravo, odnosi s javnošću, ističući kako je za njih ovaj čas veoma bitan i od krucijalnog značaja.

ODRŽANA SEDMA GODIŠNJA KONFERENCIJA SISTEMA OBUKE ZA JLS U FBiH

Sedma godišnja konferencija Agencije za državnu službu Federacije Bosne i Hercegovine (ADSFBiH) u okviru Sistema obuke jedinica lokalne samouprave, održana je u četvrtak, 15. novembra/studenog 2018. godine, gdje je prisustvovala i Vesna Travljanin, direktorica Saveza općina i gradova FBiH.

Direktorica Travljanin istakla je važnost unapređenja i opstanka lokalne samouprave.

- U periodu od uspostave Sistema obuke, Savez je održao više od 100 obuka iz različitih oblasti na kojima je učešće uzelo više od dvije hiljade polaznika. Nakon posljednjih lokalnih izbora održali smo veliki broj uvodnih obuka za novoizabrane vijećnike, zatim, niz specijalističkih obuka na teme kao što su: Uloga općinskog vijeća u procesu sistemskog planiranja i upravljanja lokalnim razvojem u JLS, Transparentnost finansiranja organizacija civilnog društva iz budžeta jedinica lokalne samouprave. Uključenje građana i organizacija civilnog društva u procese donošenja odluka na lokalnom nivou, Akademija za lidere, i dr. Sve jedinice lokalne samouprave imale su priliku da prođu neku od obuka u organizaciji Saveza - istakla je Vesna Travljanin.

Konferenciji su se još obratili Enver Išerić, direktor Zavoda za javnu upravu i predsjedavajući Koordinacionog tijela za obuku jedinica lokalne samouprave u FBiH, Samir Kamenjaković, načelnik Općine Živinice, Viktor Oslavski, predsjednik Svjetske zdravstvene organizacije, Miloš Prica, ambasador pri Ministarstvu vanjskih poslova BiH, Gordana Živković, pravna savjetnica OSCE Misije u BiH, Refik Begić, direktor Agencije za državnu službu FBiH koji je istakao važnost konstantnog educiranja zaposlenika u organima javne uprave, a posebno jedinicama lokalne samouprave. Osim velikog broja gradonačelnika/načelnika općina s prostora Federacije BiH konferenciji su prisustvovali Miroslav Lucić, član Koordinacionog tijela za obuku u FBiH, koji je ujedno i prezentirao rezultate obuke za vijećnike i Akademije za lidere. -Cilj nam je promovisati ono što je napravljeno i ono što ćemo napraviti. U prošloj 2017. godini smo imali 400 učesnika, dok smo u tekućoj 2018. godini imali 785 učesnika - istakao je Lucić. Konferenciji su prisustvovali i članici ADS-a, predstavnici međunarodnih organizacija u BiH, Uprave za kadrove Crne Gore, Zavoda za javnu upravu u FBiH i drugi. Savez općina i gradova FBiH će i u budućnosti nastaviti sa unapređenjem sistema obuke na zadovoljstvo svih korisnika.



Sa Sedme godišnje konferencije



ODRŽANA TREĆA RADIONICA U OKVIRU AKADEMIJE ZA LIDERE VIJEĆA EVROPE

Savez općina i gradova Federacije Bosne i Hercegovine u saradnji sa Savezom opština i gradova Republike Srpske, a uz podršku Vijeća Evrope organizovao je 05. i 06. novembra/studenog 2018. godine u Bijeljini završnu radionicu „Akademija za lidere“.

Prema riječima projekt menadžera Šejle Hasić, fokus radionica je na pružanju dobre uprave, odnosno razmjeni iskustava i dobrih praksi jedinica lokalne samouprave u BiH iz ove oblasti.

U ime oba saveza obratio se Aco Pantić, generalni sekretar Saveza opština i gradova RS koji je izrazio veliko zadovoljstvo sa ovim programom, te iskazao nadu da će se i u budućnosti organizovati slični događaji.

Pored međunarodnih govornika ovu dvodnevnu radionicu moderirali su g-din Ermin Hajder i g-din Dragan Vujić.

Liderska akademija je program namijenjen gradonačelnicima/načelnicima i odabranim predstavnicima u organima lokalne samouprave koji pruža znanje o potrebnim vještinama za uspostavljanje dobre i kvalitetne vlasti u organima upravljanja lokalne zajednice.

U KAKNJU ZAVRŠENI RADOVI NA REKONSTRUKCIJI ZELENE POVRŠINE I SPECIJALNOG MOBILIJARA ZA HORTITERAPIJU Uređenje vrta podržano kroz program ReLOaD

Kakanj, 8.11.2018. - Završeni

su radovi na rekonstrukciji zelene površine i izradi specijalnog mobilijara za hortiterapiju u JU za predškolski odgoj i obrazovanje "Mladost" u Kakanju provedeni u okviru projekta "Hortiterapija za najmlađe" udruženja Pozitivne vrijednosti. Zelena površina kreirana je za primjenu programa hortiterapije za sve korisnike vrtića Mladost kao i



za djecu sa poteškoćama u razvoju kako bi, kroz interakciju sa biljnim materijalom i korištenjem specijalno dizajniranog mobilijara za hortiterapiju sa pratećom vrtlarskom opremom, omogućila njihov zajednički rad i druženje. Projekat se realizuje uz podršku Regionalnog programa lokalne demokratije na Zapadnom Balkanu - ReLOaD, koji finansira Evropska unija (EU), a implementira Razvojni program Ujedinjenih nacija (UNDP).

- Crvenolisne ukrasne šljive, japanske trešnje, ukrasne trave različitog habitusa i perioda cvjetanja, japanski javor, žardinjere uz vrtić i igralište sa novim cvjetnim gredicama, poseban mobilijar prilagođen djeci za primjenu hortiterapije, uz sve to integrisane su i vrste koje imaju jestive i ljekovite plodove: sadnice aronije, ribizle, bijelog dudu i dr. Kreirali smo senzorno stimulativan okoliš koji bi uz adekvatne mjere njege trebao decenijama koristiti budućim generacijama - kazala je voditeljica projekta mr.sc. Selma Haračić Berbić, doktorantica iz oblasti hortikulture.

Vrt i specijalni mobilijar okosnica su projekta "Hortiterapija za najmlađe" u okviru kojeg će se održavati hortiterapijske radionice za djecu, ali i njihove svakodnevne aktivnosti. Rad u ovakvom okruženju pozitivno utiče na mentalno zdravlje djece, poboljšanje njihovih senzomotorskih vještina, kognitivnih i psihosocijalnih vještina, učenje zajedništvu, timskom radu ali i na socijalnu inkluziju djece sa poteškoćama u razvoju.

U našoj zemlji ne postoji niti jedan oblik primjene hortiterapije gdje kroz zajednički angažman sarađuju institucije, roditelji i djeca, ali i šira zajednica. Zbog njenog višestrukog pozitivnog učinka, vrijeme je da se to promijeni. Ovaj projekat upravo je prvi korak ka tome.



Grb Općine Kakanj

ODRŽAN SASTANAK RADNE GRUPE ZA POMOĆ RADU MREŽE PRAKTIČARA IZ JLS ZA POSLOVE SA MZ UTVRĐEN PRIJEDLOG GODIŠNJEG PROGRAMA

U Sarajevu je 30. oktobra 2018. godine u organizaciji Saveza općina i gradova Federacije Bosne i Hercegovine upriličen sastanak radne grupe za pomoć radu Mreže praktičara iz jedinica lokalne samouprave za poslove sa mjesnim zajednicama, a u sklopu projekta „Jačanje uloge mjesnih zajednica u BiH”.

Na sastanku radne grupe koji je vodila predstavnica Saveza općina i gradova FBiH, Selma Fišek utvrđen je prijedlog godišnjeg programa rada Mreže, zatim upoznavanje radne grupe sa planom aktivnosti projekta, te uloga radne grupe u procesu konsultacija tokom realizacije plana aktivnosti. Članovi radne grupe upoznali su se sa Poslovnikom o radu Mreže praktičara za poslove sa mjesnim zajednicama Saveza općina i gradova FBiH te svrhom i načinom rada radne grupe. Podsjećanja radi, SOGFBiH je osnovao mrežu praktičara za poslove sa mjesnim zajednicama 04. septembra/rujan 2018. godine, gdje je nakon toga formirana radna grupa Saveza općina i gradova FBiH.



Sa sastanka radne grupe u Sarajevu.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipachc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

SAVEZ OPĆINA I GRADOVA FBiH PREDSTAVLJEN NA RENEXPO®BIH Savez općina i gradova FBiH učesnik Međunarodnog sajma energetike, voda i okoliša

Međunarodni sajam energetike, voda i okoliša RENEXPO®BIH održan je 24. i 25. oktobra/listopada 2018. godine u Sarajevu, gdje je učestvovao i Savez općina i gradova Federacije Bosne i Hercegovine. Hidroenergija u BiH, male hidroelektrane, te, održivo upravljanje vodama i otpadnom vodom u našoj zemlji, kao i Internacionalna konferencija: Energija iz biomase samo su neke od tema koje su predstavljene na dvodnevnoj konferenciji, koja je upotpunjena razmjenom znanja i aktuelnim dijalozima iz različitih oblasti. Pored velikog broja izlagača iz različitih zemalja, sajam je pružio priliku posjetiocima da se dodatno informišu o ovoj oblasti. Posjetioci štanda Saveza općina i gradova FBiH najviše su se interesovali o aktuelnim projektima koje trenutno realizira, kao i o planovima za dalji razvoj. Kompanije poput Andritz Hydro, Kössler GmbH & Co KG, Urbas Maschinenfabrik Ges.m.b.H., KAWASAKI Gas Turbine Europe GmbH učestvovala su na RENEXPO®BIH sajmu, koji je realizovan uz podršku resornih institucija.



Savez općina i gradova FBiH na RENEXPO

SAVEZ OPĆINA I GRADOVA FBiH UKLJUČEN U PROJEKAT RCDN-a

U okviru projekta RCDN (Regionalna mreža za unapređenje kapaciteta u oblasti vodosnabdijevanja i odvodnje) u Beogradu (1. i 2. novembra/studenog) i Zagrebu (13. – 15. novembra/studenog) održane su radionice na temu „Procjena potreba saveza lokalnih vlasti” i „Promocija i prodaja” s ciljem jačanja kapaciteta trening centara asocijacija lokalnih vlasti uključenih u projekat.



Sa radionice u Zagrebu održane 13-15.11.2018

Osim predstavnika Saveza općina i gradova FBiH radionici su prisustvovali i predstavnici asocijacija lokalnih vlasti i udruženja komunalne privrede iz regiona, Mreže asocijacija lokalnih vlasti – Nalas i GIZa. Svrha pomenutih radionica je procjena razvoja kapaciteta saveza za provedbu Projekta. Projekat RCDN ima za cilj ojačati kapacitete udruženja komunalnih preduzeća i asocijacija lokalnih vlasti u oblasti pružanju boljih usluga i jačanja trening centara. U projekat su uključene asocijacije lokalnih vlasti i udruženja komunalne privrede iz sljedećih država: Bosna i Hercegovina, Crna Gora, Makedonija, Kosovo, Albanija i Srbija. Sljedeća radionica će se održati u Bijeljini, 4. – 6.12.2018. na temu „Monitoring i evaluacija”.



Sa radionice u Beogradu održane 1-2.11.2018

SAVEZ OPĆINA I GRADOVA FBiH ODRŽAO PET RADIONICA O UNAPREĐENJU KOMUNIKACIJE IZMEĐU JLS I OCD-A



Sa radionice u Maglaju

Savez općina i gradova FBiH u okviru projekta „Podrška razvoju uslužno orijentisane lokalne samouprave u FBiH”, čije aktivnosti se naslanjaju na projekat ReLOaD, izradio je studiju "Potencijalni oblici poboljšanja saradnje između jedinica lokalne samouprave i organizacija civilnog društva kroz korištenje informaciono-komunikacijsko-tehnološkog rješenja".

Kako bi testirali rješenja navedena u studiji, Savez je kroz radionice sa predstavnicima organizacija civilnog društva u partnerskim općinama na

projektu ReLOaD i drugim zainteresovanim ciljnim grupama osigurao kvalitetne povratne informacije o mogućnostima provedbe ponuđenih rješenja i njihovo eventualno unapređenje. Radionice su održane u sljedećim mjestima: Maglaj, Vitez, Kakanj, Vogošća i Gradačac. Primaran cilj ovih aktivnosti jeste da se izradi prijedlog rješenja koje će podržati općine, a kojim će se osigurati učinkovita i u realnom vremenu utemeljena komunikacija.



Sa radionice u Vitezu

Stranica 7

Takav oblik komunikacije treba da dovede do jačanja partnerstva između lokalnih vlasti i civilnog društva, i unapređenju usluga koje pruža lokalna vlast. U narednim danima radionice će se održati još u općinama Stari Grad Sarajevo i Travnik, a ranije su održane u mjestima Centar Sarajevo, Jablanica, Tešanj i Tuzla. Regionalni program lokalne demokratije na Zapadnom Balkanu (ReLOaD) finansira Evropska unija (EU) a sprovodi Razvojni program Ujedinjenih nacija (UNDP).



Sa radionice u Vogošći

EDUKACIJE IZ OBLASTI JAVNIH NABAVKI ZA PONUĐAČE I UGOVORNE ORGANE

S ciljem jačanja internih kapaciteta malih i srednjih preduzeća koja nastupaju u svojstvu ponuđača i ugovornih organa u procesima javnih nabavki u BiH konzorcij firmi na čelu sa PwC BiH organizuje edukaciju iz oblasti javnih nabavki.

Za realizaciju ovih obuka razvijeni su novi kurikulumi, koji će se izvesti kroz četiri zasebna modula. Grupe su ograničene na maksimalno 20 učesnika što će, uz veću zastupljenost studija slučaja tokom predavanja i tematske raspodjele kroz module, doprinijeti većem stepenu interaktivnosti tokom izvođenja edukacija.

Po završetku sva četiri planirana modula, učesnicima obuke će biti dodijeljeni certifikati o učešću. Edukacije će biti održane u skladu sa dinamikom prikazanom u nastavku:

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpachc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Raspored održavanje edukativnog programa prema modulima i vremenskoj odrednici

Naziv edukativnog modula	Vrijeme održavanja	Mjesto
Modul 1 - Planiranje učešća u postupku javne nabavke	Realizovano	Tuzla
	Realizovano	Sarajevo
	24.10.2018.	I. Sarajevo
	Realizovano	Mostar
Modul 2 - Upravljanje kompleksnim tenderskim procesima - pravilna priprema ponude	29. i 30.10. 2018.	Tuzla
	31.10. i 01.11. 2018.	Sarajevo
	02.11.2018.	I. Sarajevo
	05.11. 2018.	Mostar
Modul 3 - Tehnike i alati nabavke - okvirni sporazum i e-aukcija	22. i 23.11.	Tuzla
	20. i 21.11.2018.	Sarajevo
	19.11.2018.	I. Sarajevo
	26.11.2018.	Mostar
Modul 4 - Žalbeni postupak i praćenje realizacije ugovora na nivou ponuđača	03 i 04.12.2018.	Tuzla
	05. i 06.12.2018.	Sarajevo
	07.12.2018.	I. Sarajevo
	10.12.2018.	Mostar

Obuke se organizuju uz finansijsku podršku Vlade Ujedinjenog Kraljevstva, u okviru projekta "Jačanje učešća malih i srednjih preduzeća u sistemu javnih nabavki i kapaciteta lokalnih ugovornih organa u BiH". Zahvaljujući tome, učesnici edukacija oslobođeni su troškova naknada za učešće.

Više informacija o načinu prijave možete dobiti na 033 295 234 ili putem email-a: elvira.mujkic@pwc.com. Kontakt osoba je Elvira Mujkić.

Broj mjesta je ograničen, prijavite se!



Pod pokroviteljstvom GIZ ORF-EE organizovana biciklijada u okviru Evropske nedelje mobilnosti

U okviru GIZ Otvorenog regionalnog fonda za Jugoistočnu Evropu - Energetska efikasnost (ORF-EE) biciklistički klub TREK Team Sarajevo je 22. septembra organizovao biciklijadu u glavnom gradu Bosne i Hercegovine (BiH). Aktivnost je sprovedena u okviru Evropske nedelje mobilnosti, a podržana je i od Gradske uprave Grada Sarajeva.



Sa biciklijade u Sarajevu

Biciklijada je okupila oko 200 zaljubljenika biciklizma, a činjenica da su najmanje trećina učesnika i učesnica bila deca dala je posebnost događaju. Deca su i predvodila biciklističku kolonu ulicama glavnog grada BiH.

„Evropska nedelja mobilnosti je inicijativa koja podstiče gradove na uvođenje i promovisanje održivih prevoznih sredstava i pozivanje ljudi da probaju alternativna prevozna sredstva, a ovogodišnja tema je multimodalnost - kombinacija različitih prevoznih sredstava u gradu, kako za putnike, tako i za robu. Uz podršku ORF-EEa aktivnost je paralelno sprovedena u Sarajevu, Banjaluci, Skoplju i Podgorici. Bitno je u svim gradovima preneti poruku da biciklisti i biciklistkinje treba da dobiju svoje zasluženno mjesto u gradskom saobraćaju“, izjavila je Dubravka Bošnjak, ORF-EE projektna menadžerka.

Organizatori ističu da je želja bila pokazati da Sarajevo, kao i drugi gradovi regiona slede pozitivne evropske trendove.

„I tako smo se pridružili svim velikim gradovima u regionu. Njemačka razvojna organizacija GIZ kroz ORF-EE želi da nam pomogne i podigne svest o održivom razvoju u našoj zemlji i tako podstakne ljude da razmišljaju o korišćenju bicikala kao prevoznog sredstva, jer pored toga što čine dobro za sebe, čine i za okolinu. Ovo je tak početak“, rekao je Senad Bečković iz TREK Team-a.

Ukupna aktivnost uz vožnju glavnim ulicama Sarajeva trajala je skoro dva sata uz pratnju MUP-a Kantona Sarajevo, a biciklijada je bez prekida redovnog saobraćaja prošla kroz celi grad.

Od Otoke su vozili biciklističkom stazom do petlje na Stupu i na mestu gdje prestaje staza simbolično su se „parkirali ispred zida“ sa porukom „da ne mogu dalje“. Pozvali su po ko zna koji put lokalne i gradske vlasti da konačno reše ovo „usko grlo“ i da konačno spoje biciklističke staze i obezbede biciklistima siguran prevoz prema Vrelu Bosne i Igmanu koji su najčešće destinacije sarajevskih biciklista.

ODRŽANA OBUKA VIJEĆNIKA O VAŽNOSTI UKLJUČIVANJA ORGANIZACIJA CIVILNOG DRUŠTVA I GRAĐANA U PROCES DONOŠENJA ODLUKA NA LOKALNOM NIVOU

U organizaciji Saveza općina i gradova Federacije Bosne i Hercegovine u, Općini Maglaj 06. novembra/studenog 2018. godine održana je obuka vijećnika Općinskog vijeća Maglaj na temu „Uključenje građana i organizacija civilnog društva u procese donošenja odluka na lokalnom nivou“. Obuka je održana u okviru projekta „Podrška razvoju uslužno orijentisane lokalne samouprave u Federaciji Bosne i



Sa obuke vijećnika u Maglaju održane 06.11.2018

Hercegovine“ Predavač dr.sci Muamer Hodžić skrenuo je pažnju na važnost uključivanja građana i organizacija civilnog društva u ranoj fazi procesa donošenja odluka, te predstavio mogućnosti za povećanje zainteresovanosti istih.

Osim općinskih vijećnika, obuci su prisustvovali i uposlenici Općine Maglaj.

Modul obuke je pripremljen u okviru Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU) a sprovodi Razvojni program Ujedinjenih nacija (UNDP). Aktivnosti projekta „Podrška razvoju uslužno orijentisane lokalne samouprave u Federaciji Bosne i Hercegovine“ naslanjaju se na projekat ReLOaD. Slike sa svih obuka možete pogledati na sljedećem linku: <https://flic.kr/s/aHsmefUdHJ>



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC DECEMBAR / PROSINAC

10. decembar/prosinac - Dan Općine Tešanj. To je dan sjećanja na vakufnamu Gazi Ferhad-bega kojom je 1559. godine utemeljen Tešanj.

16. decembar/prosinac - Dan Općine Novi Grad utvrđuje se 16. decembar, iz razloga što je 16. decembra 1977. godine proglašeno obrazovanje ove Opštine. Naime, ukazom Predsjedništva SRBiH o proglašenju Zakona o obrazovanju opština Sarajevsko Polje i Stari Grad Sarajevo od 16.12.1977. godine, obrazovana je Opština Sarajevsko Polje sa sjedištem Skupštine Opštine u Sarajevu, a do tada ista je bila u sastavu Opštine Novo Sarajevo. Ukazom Predsjedništva SRBiH o proglašenju Zakona o izmjenama Zakona o obrazovanju opština Sarajevsko Polje i Stari Grad Sarajevo od 27.09.1978. godine, članom 1. u nazivu i u tekstu Zakona riječi "Sarajevsko Polje", zamjenjuje se riječima "Novi Grad Sarajevo". Naprijed navedenim ukazom, tada novoformirana Opština Sarajevsko Polje, zamijenila je naziv u Opštinu Novi Grad Sarajevo i pod istim funkcioniše i do danas.



Općina Tešanj



Novi Grad Sarajevo

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Grb Općine Tešanj



Grb Općine Novi Grad Sarajevo